



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs Cl. Misericordiam & iudicium &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Ad suum pastor benè preparatum,
Duxit ouile.*

*Ergò templi limen adite lati,
Conditoris laudibus euehentes
Nomen, ut suaves resonent per ampla
Atria cantus.*

PSALMVS CI.

Misericordiam & iudicium &c.

Iusticiam Domini diuinaq; iura canemus:
Laudibus extollam te, Deus alme, nouis.
Qui mihi sunt fidi, quibus est in pectore candor,
His ego, sincero pectore, fidus ero.
Alma fides, & amor veri mea templa coronant:
Non soleo causas arte fouere malas.
Nil nisi praua ausos; odi cane peius & angue:
Tales non patiar mecum habitare viros.
Peruersi corde, ac reprobi mea limina vitent,
Non fero: ne veniant sub mea tecta mali.
Qui solet absentes mordaci rodere dente:
Hunc fugio, ut pestis dira venena male.
Odi ego, qui gestant fastidia corde superba,
Iunonis, gressu, quiq; imitantur auem.

Sunt

*Sunt oculi intenti super hos, qui corde fideles
Prospiciunt populis: hos mihi adesse volo.
Pectore qui calant facinus, blanda ore loquentes,
Mendacesq; homines sunt procul arce mea.
Impia corda meis iubeo mox cedere regnis,
Ut Domini reliquum non sit in urbe scelus.*

PSALMVS CII.

Domine, exaudi orationem meam, &c.

MI Deus, exaudi gemitus, lacrymosaq; verba:
Et querula ascendant ad tua tēpla preces.
Ne, rogo, ne abscondas placidi tua numina vultq;
Sed pateant aures ad mea vota tua.
Prateriere dies, ceu fumus in aëra, nostri,
Ut focus, ossa mea, ut torris, adusta iacent.
Languida corda arent, ceu gramina solis ab aestu:
Oblitusq; cibum sumere deficio.
Osibus attritis luētū, caro languida adheret,
Dum fundo lacrymas cum querulo gemitu.
Instar Onocrotali deserta per auia clangens,
Buboni similis per loca sola vagor.
In me dira vomit conuicta perfidus hostis,
Perq; caput iurat scoptica turba meum.

Dum